

## **Agape Isibhalo - God's Love Letter Scriptures**

**Yohane 15:9 Njengoko uBawo wandithandayo, nam ndanithanda; hlalani ke eluthandweni Iwam.**

**Isaya 43:1 Kaloku ke utsho uYehova, uMdali wakho, Yakobi, uMbumbi wakho, Sirayeli, ukuthi, Musa ukoyika; ngokuba ndikukhulule ngokukuhlawulela; ndikubizile ngegama lakho, ungowam.**

**Yeremiya 1:5 NdingeKakubumbi esizalweni, bendikwazi; ungekaphumi embilinini, ndakungcwalisa, ndakumisa waba ngumprofeti weentlanga.**

**Yohane 15:16 Asinini enanyula mna; ndim owanyula nina, ndanimisela, ukuze niye nithwale isiqhamo, nokuze isiqhamo senu sihlale; ukuze oko enithe nakucela kuBawo egameni lam, nikunikwe.**

**3 Yohane 1:2 Ntanda, ndinga ungathi ngezinto zonke usikeleleke uphile, njengokuba usikelelekile umphefumlo wakho.**

**Isaya 43:4 Ngenxa yokuba unqabile emehlwani am, uzukile, mna ke ndikuthandile; ndirhola abantu esikhundleni sakho, nezizwe esikhundleni sobomi bakho.**

**Yeremiya 31:3 UYehova ubonakele kum kwakude, wathi, NdiKuthandile ngothando olungunaphakade; ngenxa yoko ndikolulele inceba.**

**Hoseya 11:8 Ndingathini na ukukulahla, Efrayim? ndikuncame, Sirayeli? Ndingathini na ukukulahla njengeAdama, ndikwenze ube njengeTsebhoyim? Intliziyo yam iphethukile phakathi kwam, ububele bam buvuthile kunye.**

**Yohane 3:16 Kuba wenjenje uThixo ukulithanda kwakhe ihlabathi, ude wancama uNyana wakhe okuphela kwamzeleyo, ukuze bonke abakholwayo kuye bangatshabalali, koko babe nobomi obungunaphakade.**

**Isaya 49:15,16 Umfazi angalulibala yini na usana Iwakhe, ukuba angabi namfesane kunya na wesizalo sakhe? Nokuba oonina abo bathe balibala, andiyi kukulibala mna. 16 Uyabona, ndikuvambil ezintendeni zezandla zam; iindonga zakho zihlala zimi phambi kwam.**

**Isaya 41:13 Ngokuba mna, Yehova Thixo wakho, ndiya kusibamba isandla sakho sokunene; ndingothi kuwe, Musa ukoyika, ndiya kukunceda mna.**

**Mateyu 28:20 nibafundisa ukuba bazigcine zonke izinto endiniwisele umthetho ngazo. Niyabona, mna ndinani yonke imihla, kude kube sekuphelisweni kwephakade eli. Amen.**

**Yohane 14:1 Intliziyo yenu mayingakhathazeki; khawlani kuThixo, nikholwe nakum.**

**Isaya 41:14 Musa ukoyika, mbungu Yakobi, bantu bambalwa bakwaSirayeli; ndiya kukunceda mna; utsho uYehova, uMkhululi wakho oyiNgcweli kaSirayeli.**

**Isaya 43:2 Xa uthi uwele emanzini, ndoba nawe: nasemilanjeni, ayisayi kukuntywilisela; xa uthi uhambé emlilweni, akuyi kurhawuka, nelangatye lingakutshisi.**

**Umhobe 23:1-6 *Umhobe kaDavide.* UYehova ngumalusi wam, andisweli lutho. 2 Wenza ukuba mandibuthe emakriweni aluhlaza; Undithundezela emanzini angawokuphumla. 3 Uyawubuyisa umphefumlo wam; Undikhaphela ezindleleni zobulungisa ngenxa yegama lakhe. 4 Nokuba ndihamba emfuleni wethunzi lokufa, Andiyi koyika bubi, ngokuba unam wena; Intonga yakho, umsimelelo wakho, uyandithuthuzela. 5 Undilungisela isithebe phambi kwababandezeli**

**bam, Uyithambisa ngeoli intloko yam, Indebe yam iyaphalala. 6 Inene, ndiya kulandelwa kokulungileyo nenceba Yonke imihla yobomi bam, Ndihlale endlwini kaYehova Imihla emide.**

**Yohane 14:27 Ndishiya uxolo kuni; ndininika uxolo Iwam; andininiki njengokunika kwehlabathi. Mayingakhathazeki intliziyo yenu, mayingabi nabugwala.**

**Filipi 4:7 Lwaye uxolo lukaThixo, olugqithisele kuko konke ukuqonda, luya kuzigcina iintliziyo zenu neengqiyo zenu kuKristu Yesu.**

**Imizekeliso 3:24 Ukuba ute walala, akuyi kunkwantya; Wolala, bube mnandi ubuthongo bakho.**

**Umhobe 4:8 Ndiya kulala phantsi, ndilale ubuthongo kwangoku, ndixolile, Ngokuba wena, Yehova, undihlalisa ndikholosile, noko ndindedwa.**

**Umhobe 33:18 Yabona, iliso likaYehova likubo abamoyikayo, Abalindele inceba yakhe,**

**Roma 5:2 esaba nako ngaye ukuthi singene ngokholo kolu lubabalo simiyo kulo, siqhayise ngokuthemba uzuko lukaThixo.**

**Isaya 55:12 Kuba niya kuphuma ninovuyo, nthundezwe ninoxolo. Intaba neenduli ziya kugqabhuka zimemelele phambi kwenu, imithi yasendle ibethe izandla.**

**Yohane 16:22 Nani ke ngoko nixhalabile ngokunje; kodwa ndobuya ndinibone; yaye iya kuvuya intliziyo yenu, novuyo Iwenu akukho namnye uya kuluhlutha kuni.**

**Luka 12:9 Ondikhanyeleyo ke emehlwani abantu, wokhanyelwa emehlwani ezithunywa zikaThixo.**

**Mateyu 10:30 Nina ke, kwaneenwele ezi zentloko yenu zibaliwe zonke.**

**Isaya 54:10 Ngokuba zingade zimke iintaba, neenduli zishukume; yona inceba yam ayiyi kumka kuwe, ungashukumi nomnqophiso wam woxolo; utsho onemfesane kuwe, uYehova.**

**Mateyu 11:28 Yizani kum nonke nina nibulalekayo, nisindwayo ngumthwalo, ndoninika ukuphumla.**

**Ingoma Solomon 2:10 Intanda yam yasusela, yathi kum, Suk' ume, wethu, nzvakazi yam, uze;**

**Hoseya 2:14,19,20 Ngako oko, yabona, ndiya kumrhwebesa, ndimse entlango, ndithethe kakuhle naye. 19 Ndokugana ube ngowam ngonaphakade, ndikugane ube ngowam ngobulungisa nangokusesikweni, nangenceba nangemfesane; 20 ndikugane ube ngowam ngokuthembeka, umazi uYehova.**

**Exodus 3:14 Wathi uThixo kuMoses, Ndinguye eNdinguye. Wathi, Wotsho koonyana bakaSirayeli ukuthi, uNdinguye undithumile kuni.**

**Hoseya 13:4 Kanti mna ndinguYehova uThixo wakho, kwasezweni laseYiputa; akuyi kwazi thixo ungendim; akukho namnye umsindisi ngaphandle kwam.**

**Yohane 15:14 Nizizihlobo zam nina, ukuba nithi nikwenze konke endinimisela khona mna.**

**Isityhilelo 3:20 Yabona, ndimi emnyango ndinkqonkqoza; ukuba ute umntu waliva izwi lam, waluvula ucango, ndongena kuye, ndidle naye, naye adle nam.**

**Yesu**

**Pastor T. John Franklin**

**Church of Salvation, Healing, and Deliverance**

**COS-HAD.org**